



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Ioannis Berchmanni Flandro-Belgæ Religiosi
Societatis Iesv**

Cepari, Virgilio

Antverpiæ, 1630

Ioannis statura & forma.

[urn:nbn:de:hbz:466:1-46083](#)

è ceruicali capite , & in Virginem quasi inclinato , vultu ad pietatem religionemque composito; clarissimo haud dubie indicio amoris cuiusdam eximij in Virgineam puritatem. Hoc tam religioso apparatu, tot excitatis virtutum actibus , extenuatis paulatim viribus, manè Idibus Augusti anni M. D C. X X I. qui Veneris dies erat , dimidiā supra duodecimam horā annos natus duos & viginti, menses quinque , oculis in Crucem , quam manibus vnā cum Rosario Regularumque libro complectebatur, defixis, pronuntiatis sanctissimis I E S V ac M A R I A E nominibus, confecto feliciter peregrinationis suæ curriculo, innocentem animam placidissimè reddidit Creatori suo ; nosque vitæ suæ integritate ac sanctimoniam non minus accedit, quam consolatus est exitu mortis tam illustris.

Quam primūm è viuis migrauerat, cadauere iam de more curato, pollinctoroque, adeò in natuum colorem Ioannes rediit , ut viuo similior quam mortuo, spirare, placidissimeque dormire videretur: non diu tamen ea species constituit , quin floridus ille oris color in pallorem versus facile ostenderet , priscum formæ decus iam morti in spolium cessisse. Fuit Ioannes staturā iustā, constitutione sanguinā , præstantissimā humorum temperatione , carnosis lacertorum toris , specie verè

Ange-

Angelicā, colore candido & rubore diluto. Ampla illi erat frons, tantaque ciliorum densitas, ut pili palpebræque nigredinem imitarentur. Oculos habebat acerrimos lucidissimosque, sed pudicos, honestate suauitateque plenos, in terram perpetuò deiectos: nasum iustæ proportionis, aliquantum aquilinum: labia parua, sed rubentia: malas giluā lanugine aspersas, eodemque colore capillum. Semper ei quietæ manus, compositæ ante pectus. Incessus neque tardus, neque concitatus, sed moderatè grauis. Totius corporis habitus adeò ad modestiam factus, ut obuios obstupefaceret componeretque. Quin multi videndi cupiditate capti, resistebant etiam hærebantque ad eximium illud modestiæ decus intuendum. Ad summam, dici potest, tam puro præstantique animo corpus à Deo datum fuisse, quod formâ aptitudineque cum animi pulchritudine certaret; quodque *ipsa corporis species simulacrum fuerit mentis forma probitatis*, ut de Deiparâ Virgine Ambrosius loquebatur. Receptum est Societatis moribus, quamprimum quis animum exhalauit, signum dari ære Campano, ut quicumque nostrum audierint, protinus genibus flexis, pro mortuo Deum deprecentur; præterquam quod quilibet eius loci Sacerdos tria faciat Sacra; non Sacerdos, tria Rosaria

Rosaria persoluat in gratiam vitâ functi , su-
pra Sacra illa ac preces , quæ non modò in eâ
Prouinciâ, sed per vniuersi Ordinis domicilia
indicuntur. Statim atque Ioannes supremum
ediderat spiritum, Ædituus id signi fecit: quo
audito, incredibile dictu est, quanti extiterint
motus . Accurrerunt quippe in valetudina-
rium affectu ingenti osculandi manus inno-
centissimi Adolescentis , eiusque se precibus
commendandi : ac pro suâ quisque religione
opinioneque, quam de eximiâ eius sanctitate
aceperant , singuli aliquid sibi vindicabant
earum rerum quibus fuerat usus. Neque verò
tum primum, sed triduo ante mortem, abla-
ta ex eius cubiculo fuerant imagines , quibus
profsternere se inter orandum astueuerat , fla-
gellum quo se solitus verberare , ceteraque
supellex pia. Iam autem eius indusia, vestes,
calcei , reliquæque res pro reliquijs abripie-
bantur. Neque id modò agebant Collegij
iuniores alumni , sed grauissimi quoque Pa-
tres , ac Sacræ Theologiæ , aliarumque disci-
plinarum Professores , qui beneficij loco fla-
gitabant, hic Rosarium eius, ille libellum tu-
telarium Diuorum , quos in mensis college-
rat: alius partem calceorum , alteriusve ali-
cuius rei, quam ipse vel tactu vel tractatione
usurpauerat.

Versabantur eo tempore Scholastici cum
Profes-